


大般涅槃經

第廿六

百廿四
體六

48019



大般涅槃經卷第二十六

體

北涼天竺三藏曇無讖奉

詔譯

大般涅槃經光明徧照高貴德王菩薩品第十之六
爾時世尊告光明徧照高貴德王菩薩摩訶薩
言善哉善哉善男子心亦不爲貪結所繫亦非
不繫非是解脫非不解脫非有非無非現在非
過去非未來何以故善男子一切諸法無自性
故善男子有諸外道作如是言因緣和合則有
果生若衆緣中本無生性而能生者虛空不生
亦應生果虛空不生非是因故以衆緣中本有
果性是故合集而得生果所以者何如提婆達欲
造牆壁則取泥土不取彩色欲造畫像則集彩



色不取草木作衣取縷不取泥木作舍取泥不
取縷縷以人取故當知是中各能生果以生果
故當知因中必先有性若無性者一物之中應
當出生一切諸物若是可取可作可出當知是
中必先有果若無果者人則不取不作不出唯
有虛空無取無作故能出生一切萬物以有因
故如尼拘陀子住尼拘陀樹乳有醍醐縷中有
布泥中有瓶善男子一切凡夫無明所盲作是
定說色有著義心有貪性復言凡夫心有貪性
亦解脫性遇貪因緣心則生貪若遇解脫心則
解脫雖作是說是義不然有諸凡夫復作是言
一切因中悉無有果因有二種一者微細二者

麤大細即是常麤則無常從微細因轉成麤因
從此麤因轉復成果麤無常故果亦無常善男
子有諸凡夫復作是言心亦無因貪亦無因以
時節故則生貪心如是一等輩以不能知心因緣
故輪迴六趣具受生死善男子譬如枷犬繫之
於柱終日繞柱不能得離一切凡夫亦復如是
被無明枷繫生死柱繞二十五有不能得離善
男子譬如有人墮於清廁既得出已而復還入
如人病差還爲病因如人涉路值空曠處既得
過已而復還來又如淨洗還塗泥土一切凡夫
亦復如是已得解脫無所有處唯未得脫非非
想處而復還來至三惡趣何以故一切凡夫唯

觀於果不觀因緣如犬逐塊不逐於人凡夫之人亦復如是唯觀於果不觀因緣以不觀故從非想退還三惡趣善男子諸佛菩薩終不定說因中有果因中無果及有無果非有非無果若言因中先定有果及定無果定有無果定非有非無果當知是等皆魔伴黨繫屬於魔即是愛人如是愛人不能永斷生死繫縛不知心相及以貪相善男子諸佛菩薩顯示中道何以故雖說諸法非有非無而不決定所以者何因眼因色因明因心因念識則得生是識決定不在眼中色中明中心中念中亦非中間非有非無從緣生故名之爲有無自性故名之爲無是故如

來說言諸法非有非無善男子諸佛菩薩終不
定說心有淨性及不淨性淨不淨心無住處故
從緣生貪故說非無本無貪性故說非有善男
子從因緣故心則生貪從因緣故心則解脫善
男子因緣有二一者隨於生死二者隨大涅槃
善男子有因緣故心共貪生共貪俱滅有不共貪
生不共貪滅有不共貪生共貪俱滅有不共貪
生不共貪滅云何心共貪生共貪俱滅善男子
若有凡夫未斷貪心脩集貪心如是一人心共
貪生心共貪滅一切衆生不斷貪心心共貪生
心共貪滅如欲界衆生一切皆有初地味禪若
脩不脩常得成就遇因緣故即便得之言因緣

者謂火災也一切凡夫亦復如是若脩不脩心
共貪生心共貪滅何以故不斷貪故云何心共
貪生不共貪滅聲聞弟子有因緣故生於貪心
畏貪心故脩白骨觀是名心共貪生不共貪滅
復有心共貪生不共貪滅如聲聞人未證四果
有因緣故生於貪心證四果時貪心得滅是名
心共貪生不共貪滅菩薩摩訶薩得不動地時
心共貪生不共貪滅云何不共貪生共貪俱滅
若菩薩摩訶薩斷貪心已爲衆生故示現有貪
以示現故能令無量無邊衆生諮受善法具足
成就是名不共貪生共貪俱滅云何不共貪生
不共貪滅謂阿羅漢緣覺諸佛除不動地其餘

菩薩是名不共貪生不共貪滅以是義故諸佛
菩薩不決定說心性本淨性本不淨善男子是
心不與貪結和合亦復不與瞋癡和合善男子
譬如日月雖為煙塵雲霧及羅睺羅之所覆蔽
以是因緣今諸衆生不能得見雖不可見日月
之性終不與彼五翳和合心亦如是以因緣故
生於貪結衆生雖說心與貪合而是心性實不
與合若是貪心即是貪性若是不貪即不貪性
不貪之心不能為貪貪結之心不能不貪善男
子以是義故貪欲之結不能汙心諸佛菩薩永
破貪結是故說言心得解脫一切衆生從因緣
故生於貪結從因緣故心得解脫善男子譬如

雪山懸峻之處人與獼猴俱不能行或復有處
獼猴能行人不能行或復有處人與獼猴二俱
能行善男子人與獼猴能行處者如諸獵師純
以羈膠置之案上用捕獼猴獼猴癡故往手觸
之觸已粘手欲脫手故以脚踏之脚復隨著欲
脫脚故以口嚙之口復粘著如是五處悉無得
脫於是獵師以杖貫之負還歸家雪山險處喻
佛菩薩所得正道獼猴者喻諸凡夫獵師者喻
魔波旬羈膠者喻貪欲結人與獼猴俱不能行
者喻諸凡夫魔王波旬俱不能行獼猴能行人
不能者喻諸外道有智慧者諸惡魔等雖以五
欲不能繫縛人與獼猴俱能行者一切凡夫及

魔波旬常處生死不能脩行凡夫之人五欲所
縛今魔波旬自在將去如彼獵師羈捕獼猴擔
負歸家善男子譬如國王安住己界身心安樂
若至他界則得衆苦一切衆生亦復如是若能
自住於己境界則得安樂若至他界則遇惡魔
受諸苦惱自境界者謂四念處他境界者謂五
欲也云何名爲繫縛於魔有諸衆生無常見常
常見無常苦見於樂樂見於苦不淨見淨淨見
不淨無我見我我見無我非實解脫橫見解脫
真實解脫見非解脫非乘見乘乘見非乘如是
之人名繫屬魔繫屬魔者心不清淨復次善男
子若見諸法真實是有摠別定相當知是人若
見色時便作色相乃至見識亦作識相見男男
相見女女相見日日相見月月相見歲歲相見

見色時便作色相乃至見識亦作識相見男男
相見女女相見日日相見月月相見歲歲相見
陰陰相見入入相見界界相如是見者名繫屬
魔繫屬魔者心不清淨復次善男子若見我是
色色中有我我中有色色屬於我乃至見我是
識識中有我我中有識識屬於我如是見者繫
屬於魔非我弟子善男子我聲聞弟子遠離如
來十二部經脩集種種外道典籍藉不脩出家寂
滅之業純營世俗在家之事何等名爲在家事
也受畜一切不淨之物奴婢田宅象馬車乘馳
驢雞犬獼猴豬羊種種穀麥遠離師僧親附白
衣違返聖教向諸白衣作如是言佛聽比丘受

畜種種不淨之物是名脩集在家之事有諸弟子不爲涅槃但爲利養親近聽受十二部經招提僧物及僧鬘物衣著食噉如自己有慳惜他家及以稱譽親近國王及諸王子卜筮吉凶推步盈虛圍碁六博擲菹投壺親比丘尼及諸處女畜二沙彌常遊屠獵估酒之家及旃陀羅所住之處種種販賣手自作食受使隣國通致信命如是之人當知即是魔之眷屬非我弟子以是因緣心共貪生心共貪滅乃至癡心共生共滅亦復如是善男子以是因緣心性非淨亦非不淨是故我說心得解脫若有不受不畜一切不淨之物爲大涅槃受持讀誦十二部經書寫

解說當知是等真我弟子不行惡魔波旬境界
即是脩集三十七品以脩集故不共貪生不共
貪滅是名菩薩脩大涅槃微妙經典具足成就
第八功德復次善男子云何菩薩摩訶薩脩大
涅槃微妙經典具足成就第九功德善男子菩
薩摩訶薩脩大涅槃微妙經典初發五事悉得
成就何等爲五一者信心二者直心三者戒四
者親近善友五者多聞云何爲信菩薩摩訶薩
信於三寶施有果報信於二諦一乘之道更無
異趣爲諸衆生速得解脫諸佛菩薩分別爲三
信第一義諦信善方便是名爲信如是信者若
諸沙門若婆羅門若天魔林凡一切衆生所不能

壞因是信故得聖人性脩行布施若多若少悉
得近於大般涅槃不墮生死戒聞智慧亦復如
是是名爲信雖有是信而亦不見是爲菩薩脩
大涅槃成就初事云何直心菩薩摩訶薩於諸
衆生生質直心一切衆生若遇因緣則生諂曲
菩薩不爾何以故善解諸法悉因緣故菩薩摩
訶薩雖見衆生諸惡過咎終不說之何以故恐
生煩惱若生煩惱則墮惡趣如是菩薩若見衆
生有少善事則讚歎之云何爲善所謂佛性讚
佛性故今諸衆生發阿耨多羅三藐三菩提心
爾時光明徧照高貴德王菩薩摩訶薩白佛言
世尊如佛所說菩薩摩訶薩讚歎佛性今無量

衆生發阿耨多羅三藐三菩提心是義不然何以故如來初開涅槃經時說有三種一者若有病人得良醫藥及瞻病者病則易差如其不得則不可愈二者若得不得悉不可差三者若得不得悉皆可差一切衆生亦復如是若遇善友諸佛菩薩聞說妙法則得發於阿耨多羅三藐三菩提心如其不遇則不能發所謂須陀洹斯陀含阿那含阿羅漢辟支佛二者雖遇善友諸佛菩薩聞說妙法亦不能發若其不遇亦不能發謂一闡提三者若遇不遇一切悉能發阿耨多羅三藐三菩提心所謂菩薩若言遇與不遇悉發阿耨多羅三藐三菩提心者如來今者云

何說言因讚佛性令諸衆生發阿耨多羅三藐
三菩提心世尊若遇善友諸佛菩薩聞說妙法
及以不遇悉不能發阿耨多羅三藐三菩提心
當知是義亦復不然何以故如是之人當得阿
耨多羅三藐三菩提故一闡提輩以佛性故若
聞不聞悉亦當得阿耨多羅三藐三菩提故世
尊如佛所說何等名爲一闡提也謂斷善根如
是之義亦復不然何以故不斷佛性故如是佛
性理不可斷云何佛說斷諸善根如佛往昔說
十二部經善有二種一者常二者無常常者不
斷無常者斷無常可斷故墮地獄常不可斷何
故不遮佛性不斷非一闡提如來何故作如是

說言一闡提世尊若因佛性發阿耨多羅三藐
三菩提何故如來廣爲衆生說十二部經世尊
譬如四河從阿那婆躡多池出若有天人諸佛
世尊說言是河不入大海當還本源無有是處
菩提之心亦復如是有佛性者若聞不聞若戒
非戒若施非施若脩不脩若智非智悉皆應得
阿耨多羅三藐三菩提世尊如優陀延山日從
中出至于正南日若念言我不至西還東方者
無有是處佛性亦爾若不聞不戒不施不脩不
智不得阿耨多羅三藐三菩提者無有是處世
尊諸佛如來說因果性非有非無如是之義是
亦不然何以故如其乳中無酪性者則無有酪

尼拘陀子無五丈性者則不能生五丈之質若佛
性中無阿耨多羅三藐三菩提樹者云何能生
阿耨多羅三藐三菩提樹以是義故所說因果
非有非無如是之義云何相應爾時世尊讚言
善哉善哉善男子世有二人甚爲希有如優曇
華一者不行惡法二者有罪能悔如是之人甚
爲希有復有二人一者作恩二者念恩復有二
人一者諮受新法二者溫故不忘復有二人一
者造新二者脩故復有二人一樂聞法二樂說
法復有二人一善問難二善能答善問難者汝
身是也善能答者謂如來也善男子因是善問
即得轉于無上法輪能枯十二因緣大樹能度

無邊生死大河能與魔王波旬共戰能摧波旬
所立勝幢善男子如我先說三種病人值遇良
醫瞻病好藥及以不遇病悉得差是義云何若
得不得謂定壽命所以者何是人已於無量世
中脩三種善謂上中下以脩如是三種善故得
定壽命如鬱單越人壽命千年有遇病者若得
良醫好藥瞻病及以不得悉皆得差何以故得
定命故善男子如我所說若有病人得遇良醫
好藥瞻病病得除差若不遇者則不得差是義
云何善男子如是之人壽命不定命雖不盡有
九因緣能大其壽何等爲九一者知食不安而
反食之二者多食三者宿食未消而復更食四

者大小便利不隨時節五者病時不隨醫教六者不隨瞻病教勅七者強耐不吐八者夜行以夜行故惡鬼打之九者房室過度以是緣故我說病者若遇醫藥病則可差若不遇者則不可愈善男子如我先說若遇不遇俱不差者是義云何有人命盡若遇不遇悉不可差何以故以命盡故以是義故我說病人若遇醫藥及以不遇悉不得差衆生亦爾發菩提心者若遇善友諸佛菩薩諮受深法若不遇之皆悉當成何以故以其能發菩提心故如鬱單越人得定壽命如我所說從須陀洹至辟支佛若聞善友諸佛菩薩所說深法則發阿耨多羅三藐三菩提心

如我所說從須陀洹至辟支佛若聞善友諸佛菩薩所說深法則發阿耨多羅三藐三菩提心若不值遇諸佛菩薩聞說深法則不能發阿耨多羅三藐三菩提如不定命以九因緣命則中大如彼病人值遇醫藥病則得差若不遇者病則不差是故我說遇佛菩薩聞說深法則能發心若不值遇則不能發如我先說若遇善友諸佛菩薩聞說深法若不值遇俱不能發是義云何善男子一闡提輩若遇善友諸佛菩薩聞說深法及以不遇俱不得離一闡提心何以故斷善法故一闡提輩亦得阿耨多羅三藐三菩提所以者何若能發於菩提之心則不復名一闡提也善男子以何緣故說一闡提得阿耨多羅三藐三菩提一闡提輩實不得阿耨多羅三藐



三菩提如命盡者雖遇良醫好藥瞻病不能得
差何以故以命盡故善男子一闡名信提名不
具不具信故名一闡提佛性非信衆生非具以
不具故云何可斷一闡名善方便提名不具脩
善方便不具足故名一闡提佛性非是脩善方
便衆生非具以不具故云何可斷一闡名進提
名不具進不具故名一闡提佛性非進衆生非
具以不具故云何可斷一闡名念提名不具念
不具故名一闡提佛性非念衆生非具以不具
故云何可斷一闡名定提名不具定不具故名
一闡提佛性非定衆生非具以不具故云何可
斷一闡名慧提名不具慧不具故名一闡提佛

性非慧衆生非具以不具故云何可斷一闡名
無常善提名不具以無常善不具足故名一闡
提佛性是常非善非不善何以故善法要從方
便而得而是佛性非方便得是故非善何故復
名非不善也能得善果故善果者即是阿耨多
羅三藐三菩提又善法者生已得故而是佛性
非生已得是故非善以斷生得諸善法故名一
闡提善男子如汝所言若一闡提有佛性者云
何不遮地獄之罪善男子一闡提中無有佛性
善男子譬如有王聞篳篥音其聲清妙心即馳
著喜樂愛念情無捨離即告大臣如是妙音從
何處出大臣荅王如是妙音從篳篥出王復語

言持是聲來爾時大臣即持筮篴置於王前而作是言大王當知此即是聲王語筮篴出聲出聲而是筮篴聲亦不出爾時大王即斷其弦聲亦不出取其皮木悉皆析裂推求其聲了不能得爾時大王即瞋大臣云何乃作如是妄語大臣白王夫取聲者法不如是應以衆緣善巧方便聲乃出耳衆生佛性亦復如是無有住處以善方便故得可見以可見故得阿耨多羅三藐三菩提一闡提輩不見佛性云何能遮三惡道罪善男子若一闡提信有佛性當知是人不至三惡是亦不名一闡提也以不自信有佛性故即墮三惡墮三惡故名一闡提善男子如汝所

說若乳無酪性不應出酪。尼拘陀子無五丈性則不應有五丈之質。愚癡之人作如是說。智者終不發如是言。何以故。以無性故。善男子。如其乳中有酪性者。不應復假衆緣力也。善男子。如水乳雜。卧至一月。終不成酪。若以一滲。頗求樹汁。投之於中。即便成酪。若本有酪。何故待緣。衆生佛性亦復如是。假衆緣。故則便可見假衆緣。故得成阿耨多羅三藐三菩提。若待衆緣。然後成者。即是無性。以無性故。能得阿耨多羅三藐三菩提。善男子。以是義故。菩薩摩訶薩常讚人善。不訟彼缺名質。直心復次。善男子。云何菩薩質直心也。菩薩摩訶薩常不犯惡。設有過失。即

時懺悔於師同學終不覆藏慚愧自責不敢復
作於輕罪中生極重想若人詰問答言實犯復
問是罪爲好不好答言不好復問是罪爲善不
善答言不善復問是罪是善果耶不善果乎答
言是罪實非善果又問是罪誰之所造將非諸
佛法僧所作答言非佛法僧我所作也乃是煩
惱之所構集以直心故信有佛性信佛性故則
不得名一闡提也以信心故名佛弟子若受衆
生衣服飲食卧具醫藥種各十萬不足爲多是
名菩薩質直心也云何菩薩脩持於戒菩薩摩
訶薩受持禁戒不爲生天不爲恐怖乃至不受
狗戒雞戒牛戒雉戒不作破戒不作缺戒不作

瑕戒不作雜戒不作聲聞戒受持菩薩摩訶薩
戒尸羅波羅蜜戒得具足戒不生憍慢是名菩
薩脩大涅槃具第三戒云何菩薩親近善友菩
薩摩訶薩常爲衆生說於善道不說惡道說於
惡道非善果報善男子我身即是一切衆生眞
善知識是故能斷富加羅婆羅門所有邪見善
男子若有衆生親近我者雖有生於地獄因緣
即得生天如須那利多羅等應墮地獄以見我
故即得斷除地獄因緣生於色天雖有舍利弗
目捷連等不名衆生眞善知識何以故生一闍
提心因緣故善男子我昔住於波羅柰國時舍
利弗教二弟子一觀白骨一令數息經歷多年

各不得定以是因緣即生邪見言無涅槃無漏之法設其有者我應得之何以故我能善持所受戒故我於爾時見是比丘生此邪心喚舍利弗而呵責之汝不善教云何乃爲是二弟子顛倒說法汝二弟子其性各異一主浣衣一是金師金師之子應教數息浣衣之人應教骨觀以汝錯教今是二人生於惡邪我於爾時爲是二人如應說法二人聞已得阿羅漢果是故我爲一切衆生具善知識非舍利弗目犍連等若使衆生有極重結得遇我者我以方便即爲斷之如我弟難陀有極重欲我以種種善巧方便而爲除斷鴛掘魔羅有重瞋恚以見我故瞋恚即

息阿闍世王有重愚癡以見我故癡心即滅如
婆熙伽長者於無量劫脩集成就極重煩惱以
見我故即便斷滅設有弊惡廝下之人親近於
我作弟子者煩惱消除以是因緣一切人天恭敬受念
尸利翹多邪見熾盛因見我故邪見即滅因見我
故斷地獄因作生天緣如氣噓旃陀羅命垂終
時因見我故還得壽命如憍尸迦狂心錯亂因
見我故還得本心如瘦瞿曇彌屠家之子常脩
惡業以見我故即便捨離如闍提比丘因見我
故寧捨身命不毀禁戒如草繫比丘以是義故
阿難比丘說半梵行名善知識我言不爾具足
梵行乃名善知識是名菩薩脩大涅槃具足第

四親近善知識云何菩薩具足多聞菩薩摩訶
薩爲大涅槃十二部經書寫讀誦分別解說是
名菩薩具足多聞除十一部唯毗佛略受持讀
誦書寫解說亦名菩薩具足多聞除十二部經
若能受持是大涅槃微妙經典書寫讀誦分別
解說名菩薩具足多聞除是經典具足全體
若能受持一四句偈復除是偈若能受持如來
常住性無變易名菩薩具足多聞復除是事
若知如來常不說法亦名菩薩具足多聞何以
故法無性故如來雖說一切諸法常無所說是
名菩薩脩大涅槃成就第五具足多聞善男子
若有善男子善女人爲大涅槃具足成就如是
五事難作能作難忍能忍難施能施云何菩薩
難作能作若聞有人食一胡麻得阿耨多羅三

五事難作能作難忍能忍難施能施云何菩薩
難作能作若聞有人食一胡麻得阿耨多羅三
藐三菩提者信是語故乃至無量阿僧祇劫常
食一麻若聞入火得阿耨多羅三藐三菩提者
於無量劫在阿鼻獄入熾火聚是名菩薩難作
能作云何菩薩難忍能忍若聞受苦手杖刀石
斫打因緣得大涅槃即於無量阿僧祇劫身具
受之不以為苦是名菩薩難忍能忍云何菩薩
難施能施若聞能以國城妻子頭目髓腦慧施
於人得阿耨多羅三藐三菩提者即於無量阿
僧祇劫以其所有國城妻子頭目髓腦慧施於
人是名菩薩難施能施菩薩雖復難作能作終

不念言是我所作難忍難施亦復如是善男子
譬如父母唯有一子愛之甚重以好衣裳上妙
甘饌隨時將養令無所乏其子若於是父母所
生輕慢心惡口罵辱父母愛故不生瞋恨亦不
念言我與是兒衣服飲食菩薩摩訶薩亦復如
是視諸衆生猶如一子若子遇病父母亦病爲
求醫藥勤而療之病旣差已終不生念我爲是
兒療治病苦菩薩亦爾見諸衆生遇煩惱病生
愛念心而爲說法以聞法故諸煩惱斷煩惱斷
已終不念言我爲衆生斷諸煩惱若生此念終
不得成阿耨多羅三藐三菩提唯作是念無一
衆生我爲說法令斷煩惱菩薩摩訶薩於諸衆

生不瞋不喜何以故善能脩集空三昧故菩薩
若脩空三昧者當於誰所生瞋生喜善男子譬
如山林猛火所焚若人所伐或爲水漂而是林
木當於誰所生瞋生喜菩薩摩訶薩亦復如是
於諸衆生無瞋無喜何以故脩空三昧故爾時
光明徧照高貴德王菩薩摩訶薩白佛言世尊
一切諸法性自空耶空空故空若性自空者不
應脩空然後見空云何如來言以脩空而見空
也若性自不空雖復脩空不能令空善男子一
切諸法性本自空何以故一切法性不可得故
善男子色性不可得云何色性色者非地水火
風不離地水火風非青黃赤白不離青黃赤白

非有非無云何當言色有自性以性不可得故說爲空一切諸法亦復如是以相似相續故凡夫見已說言諸法性不空寂菩薩摩訶薩具足五事是故見法性本空寂善男子若有沙門及婆羅門見一切法性不空者當知是人非是沙門非婆羅門不得脩集般若波羅蜜不得入於大般涅槃不得現見諸佛菩薩是魔眷屬善男子一切諸法性本自空亦因菩薩脩集空故見諸法空善男子如一切法性無常故滅能滅之若非無常滅不能滅有爲之法有生相故生能生之有滅相故滅能滅之一切諸法有苦相故苦能令苦善男子如鹽性鹹能鹹異物石蜜性

甘能甘異物苦酒性酢能酢異物薑本性辛能
辛異物訶梨勒苦能苦異物菴羅果淡能淡異
物毒性能害今異物害甘露之性令人不死若
合異物亦能不死菩薩脩空亦復如是以脩空
故見一切法性皆空寂光明徧照高貴德王菩
薩復作是言世尊若鹽能令非鹹作鹹脩空三
昧若如是者當知是定非善非妙其性顛倒若
空三昧唯見空空者空是無法爲何所見善男子
是空三昧見不空法能令空寂然非顛倒如鹽
非鹹作鹹是空三昧亦復如是不空作空善男
子貪是有性非是空性貪若是空衆生不應以
是因緣惰主於地獄若惰主地獄云何貪性當是空

耶善男子色性是有何等色性所謂顛倒以顛
倒故衆生生貪若是色性非顛倒者云何能令
衆生生貪以生貪故當知色性非不是有以是
義故脩空三昧非顛倒也善男子一切凡夫若
見女人即生女相菩薩不爾雖見女人不生女
相以不生相貪則不生貪不生故非顛倒也以
世間人見有女故菩薩隨說言有女人若見男
時說言是女是則顛倒是故我爲闍提說言汝
婆羅門若以晝爲夜是即顛倒以夜爲晝是亦
顛倒晝爲晝相夜爲夜相云何顛倒善男子一
切菩薩住九地者見法有性以是見故不見佛
性若見佛性則不復見一切法性以脩如是空

三昧故不見法性以不見故則見佛性諸佛菩薩有二種說一者有性二者無性爲衆生故說有法性爲諸賢聖說無法性爲不空者見法空故脩空三昧令得見空無法性者亦脩空故空以是義故脩空見空空善男子汝言見空空空是無法爲何所見者善男子如是如是菩薩摩訶薩實無所見無所見者即無所有無所有者即一切法菩薩摩訶薩脩大涅槃於一切法悉無所見若有見者不見佛性不能脩集般若波羅蜜不得入於大般涅槃是故菩薩見一切法性無所有善男子菩薩不但因見三昧而見空也般若波羅蜜亦空禪波羅蜜亦空毗梨耶波羅蜜亦

空羣提波羅蜜亦空尸羅波羅蜜亦空檀波羅
蜜亦空色亦空眼亦空識亦空如來亦空大般
涅槃亦空是故菩薩見一切法皆悉是空是故
我在迦毗羅城告阿難言汝莫愁惱悲泣啼哭
阿難即言如來世尊我今眷屬悉皆死喪云何
當得不愁啼耶如來與我俱生此城俱同釋種
親戚眷屬云何如來獨不愁惱光顏更顯善男
子我復告言阿難汝見迦毗真實而有我見空
寂悉無所有汝見釋種悉是親戚我脩空故悉
無所見以是因緣汝生愁苦我身容顏益更光
顯諸佛菩薩脩集如是空空三昧故不生愁惱是
名菩薩脩大涅槃微妙經典成就具足第九功

德善男子云何菩薩脩大涅槃微妙經典具足
最後第十功德善男子菩薩脩集三十七品入
大涅槃常樂我淨爲諸衆生分別解說大涅槃
經顯示佛性若須陀洹斯陀含阿那含阿羅漢
辟支佛菩薩信是語者悉得入於大般涅槃若
不信者輪迴生死爾時光明徧照高貴王菩薩
白佛言世尊何等衆生於是經中不生恭敬善
男子我涅槃後有聲聞弟子愚癡破戒喜生鬪
諍捨十二部經讀誦種種外道典籍文頌手筆
受畜一切不淨之物言是佛聽如是之人以好
旃檀賀易凡木以金易鍤石銀易白蠟絹易穠
褐以甘露味易於惡毒云何旃檀賀易凡木如

我弟子爲供養故向諸白衣演說經法白衣情
逸不喜聽聞白衣處高比丘處下兼以種種餽
饍飲食而供給之猶不肯聽是名旃檀賀易凡
木云何以金賀易金鑰石鑰石喻色聲香味觸金
喻於戒我諸弟子以色因緣破所受戒是名以
金賀易鑰石云何以銀易於白蠟銀喻十善蠟
喻十惡我諸弟子放捨十善行十惡法是名以
銀賀易白蠟云何以絹賀易穠褐穠褐喻於無
慚無愧絹喻慚愧我諸弟子放捨慚愧習無慚
愧是名以絹賀易穠褐云何甘露賀易毒藥毒
藥喻於種種供養甘露喻於諸無漏法我諸弟
子爲利養故向諸白衣苦白譽讚言得無漏是
名甘露賀易毒藥以如是等惡比丘故是大涅
槃微妙經典廣行流布於閻浮提當是時也有

名甘露賀易毒藥以如是等惡比丘故是大涅槃微妙經典廣行流布於閻浮提當是時也有諸弟子受持讀誦書寫是經演說流布當爲如是諸惡比丘之所殺害時惡比丘共相聚集立嚴峻制若有受持大涅槃經書寫讀誦分別說者一切不得共住共坐談論語言何以故涅槃經者非佛所說邪見所造邪見之人即是六師六師經典非佛經典所以者何一切諸佛悉說諸法無常無樂無我無淨若言諸法常樂我淨云何當是佛所說經諸佛菩薩聽諸比丘畜種種物六師所說不聽弟子畜一切物如是之義云何當是佛之所說諸佛菩薩不制弟子斷牛

五味及以食肉六師不聽食五種鹽五種牛味
及以脂血若斷是者云何當是佛之正典諸佛
菩薩說於三乘而是經中純說一乘謂大涅槃
如此之言云何當是佛之正典諸佛畢竟入於
涅槃是經言佛常樂我淨不入涅槃是經不在
十二部數即是魔說非是佛說善男子如是之
人雖我弟子不能信順是涅槃經善男子當爾
之時若有衆生信此經典乃至半句當知是人
真我弟子因如是信即見佛性入於涅槃爾時
光明徧照高貴德王菩薩白佛言世尊善哉善
哉如來今日善能開示大涅槃經世尊我因是
事即得解悟大涅槃經一句半句以解一句至

半句故見少佛性如佛所說我亦當得入大涅槃是名菩薩脩大涅槃微妙經典具足成就第十功德

大般涅槃經卷第二十六

縷

力圭切

縊

私箭切

繚

丑知切

嚙

五巧五結二切

筮

石制切

擣

丑除切

鞠

求菊求鞠二切

嘘

虛音吹也

賀

莫候切

鋤

偷音

穰

山菊力朱二切

